

KUSHTET E PËRGJITHSHME TË KONTRATËS PËR SIGURIMIN NGA VJEDHJA

DISPOZITA TË PËRGJITHSHME

1. Kushtet e Përgjithshme të kontratës për Sigurimin nga Vjedhja, këtu më poshtë do të quhen shkurtimisht "Kushtet e Sigurimit".

INSIG, këtu më poshtë do të quhet shkurtimisht "Siguruesi".

Personi fizik ose juridik, interesi pasuror i të cilit do të mbulohet sipas këtyre Kushteve të Sigurimit nga Vjedhja, këtu më poshtë do të quhet shkurtimisht "i Siguruari".

Kontrata për Sigurimin nga Vjedhja, e lidhur midis Siguruesit dhe të Siguarit, këtu më poshtë do të quhet shkurtimisht "Polica e Sigurimit".

OBJEKTI I SIGURIMIT

2. Siguruesi ofron Sigurimin nga Vjedhja për objektet e mëposhtme:

- makineri e pajisje - pajisje, makineri, impiante të lëvizshme, veglat dhe pjesët ndërrimit e bazamentet përkatëse;

- pajisje zyre - bashkësia e mobiljeve, makinave, veglave e orendive që përbëjnë pajimet normale të një zyre, ose që i shërbejnë përmbushjes normale së një veprimtarie tregtare apo profesionale, si dhe impianteve të parandalimit e alarmit, kasafortat, raftet e sigurimit e të përforcuara, blloqet e kasetave të sigurimit (përfshirë përmbajtjet përkatëse), përjashtuar sa treguar në përcaktimin e mallrave, sendeve me vlerë, objekteve të vlefshme e letrave me vlerë;

- mallra - mallra, lëndë të para, prodhime gjysëm të gatshme, lëndë rezervë e materiale konsumi, amballazhe të brendshme e të jashtme, skarcot e mbetjet si dhe të tjera që kanë afëri me veprimtarinë e deklaruar, përjashtuar sa treguar në përcaktimin e sendeve me vlerë, objekteve të vlefshme e letrave me vlerë;

- objekte të vlefshme - kuadro pikturë, skulptura, objekte arti që nuk janë mobilje, peliçe, objekte argjendi, tapete e sixhade, përjashtuar sa treguar në përcaktimin e sendeve me vlerë e letra me vlerë;

- sende me vlerë - gurë të çmuar, metale të vlefshme (ar e platin) të përpunuar ose jo, objekte me metal të vlefshëm e perla natyrale;

- letra me vlerë - kartmonedha, tituj krediti, obligacione e lloje të tjera të letrave me vlerë.

3. I Siguruari mund të sigurojë pranë Siguruesit pasuri që e ka në pronësi të tij ose në çdo formë tjetër të pronësisë me kusht që të ketë një kontratë të rregullt me pronarin e pasurisë apo të sendit .

RREZIQET E SIGURIMIT

4. Siguruesi dëmshpërblen të Siguruarin për humbjen, dëmtimin ose shkatërrimin e pasurisë së siguruar që rrjedhin nga vjedhja, si dhe veprimet në tentativë gjatë kryerjes së saj si rrjedhojë e futjes në lokalin e siguruar nëpërmjet;

a. dhunimit të mjeteve mbrojtëse të jashtme me anë të thyerjes, shqyerjes, përdorimit të çelësave fals, çelësave levë ose veglave të tjera të ngjashme me to;

b. rrugëve jo të zakonshme, që kërkojnë kalimin e pengesave ose të mbrojtëseve duke përdorur mjete artificiale ose aftësi të veçanta vetjake;

c. mënyrave të fshehta, me kusht që marrja e sendeve të vjedhura të bëhet pas mbylljes së lokalit.

5. Në se për të gjitha ose një pjesë të sendeve të siguruar në Policën e Sigurimit janë parashikuar mjete mbrojtëse të veçanta të brendshme, Siguruesi ka detyrim vetëm në se autori i vjedhjes, pasi të jetë futur në lokal me një prej mënyrave të sipërmendura, i ka dhunuar mjetet mbrojtëse me mënyrat e treguara në nenin 4, pika a .

6. Sigurimi nga Vjedhja mbulon vjedhjet dhe dëmtimet që pëson i Siguruarit sipas nenit 4, pikat a, b e c, me kusht që të jenë lënë gjurmë të cilat mund të përdoren si provë .

RREZIQE TË PËRJASHTUARA

10. Sigurimi nga Vjedhja nuk mbulon dëmtimet apo humbjet që shkaktohen drejtpërdrejt apo indirekt prej:

a. shpërdorimit, përvetësimit, falsifikimit, mashtrimit, apo veprimeve të tjera të kryera me qëllim ose nga pakujdesia e rëndë e të Siguruarit, pjestarëve të familjes ose punonjësve të tij;

b. humbjeve të pashpjegueshme, zhdukjeve misterioze, mungesave në inventar, mungesave të shkaktuara nga gabimet kontabël ose në numërim gjatë inventarit;

c. vjedhjes së thjeshtë, vjedhjes nga klientët, vjedhjes me mashtrim, etj., që nuk përfshijnë dhunën e drejtpërdrejtë fizike apo psikike ndaj personave apo objekteve të siguruar;

d. manipulimit ose keqpërdorimit të pajisjeve elektronike të përpunimit të të dhënave; gjithashtu do të përjashtohen dëmet që rrjedhin nga dëmtimi i çdo lloj pajisjeje hardware e software;

e. zjarrit, eksplozionit ose çarjes së tubacioneve të ujit, edhe në se një gjë e tillë ndodh si rrjedhojë e vjedhjes;

f. tërmetit, stuhive, shpërthimeve vullkanike, përmytjeve, ndotjeve radioaktive e shpërthimit bërthamor;

g. veprimeve luftarake pavarësisht në se është shpallur lufta ose jo (përfshirë luftën civile), pushtimit ushtarak, gjendjes së luftës, terrorizmit apo sabotimit të organizuar, revoltave, kryengritjeve, grevave, trazirave popullore, turbullirave civile, eksodeve, konfiskimeve, rekuizimeve, shkatërrimeve apo dëmtimeve të kryera me urdhër të çfarëdolloj qeverie apo autoriteti shtetëror.

Të Siguruarit i bie detyrimi të provojë se dëmi i shkaktuar pasurisë së tij nuk ka lidhje me ngjarje të tilla.

11. Siguruesi nuk mbulon dëme që shkaktohen e lehtësohen me qëllim e faj nga:

- persona që banojnë me të Siguruarin dhe zenë lokalet ku ndodhen sendet e siguruara ose lokalet me të cilat komunikojnë;
- vartësit e të Siguruarit;
- të ngarkuarit me mbikqyrjen e sendeve të siguruara ose lokaleve ku ndodhen këto objekte;
- personat e lidhur me të Siguruarin në raporte farefisnie ose krushqie edhe në qofte se nuk bashkëjetojnë.

INSIG SHA